

**Poetarum Effatis Graecorum  
in Sacro Novi Foederis Codice  
laudatis.**

---

**Meletema Academicum**

Cujus Particulam Primam

**Hemistichium Arateum a Divo Paulo**

**Actor. XVII. v. 28. allegatum**

illustrantem

**Consensu Ampliss. Facult. Philos.**

**Moderante**

**Ludovico Theob. Kosegarten,**

SS. Th. D. AA. LL. M.

Sacrae Regiae Majest. Suecan. a Consiliis Sanctoribus,

Paroeciae Palaeocyriacensis in Insula Rugia Pastore,

Historiar. nec non Litt. Graec. Prof. P. O.

Ordinis Philos. hodie Decano,

pro

**L a u r e a**

**Placido Eruditorum Examini Submittit**

**Friedericus Adolphus Lönner,**

a Sacris.

**In Auditorio Maj. die II. Novembris MDCCCXI.**

**Horis Ante Meridiem Solitis.**

---

**G r y p h i a e,**

**Typi J. H. Eckhardt, Direct. Reg. Acad. Typogr.**

1877.



---

§. I.

**D**e locis Poëtarum, eorumdemque Graecorum, in sacra Novi Foederis pagina citatis, ex professo, ut loqui solent, disseruerunt viri laudatissimi, Sal. Glassius in *Philologia sacra* (1), Georg. Phil. Olearius in *Dissertatione de Scripturis profanis a Paulo Apostolo allegatis* (2), Joh. Adam Königiuss in *Schediasmate*, quod super eodem argumento conscripsit (3), Bernhardus Wincklerus in *Dissertationibus Philologicis* (4), Joh. Henr. a Seelen in *Meditationibus Exegeticis* (5); et si quis alius, qui minus nobis innotuerit, nobile hocce Thema sibi pertractandum sumserit. Sed etiam e numerosissima illa

---

1) Fol. 1492. 1928. 2073. sqq.

2) Lipsiae 1701.

3) Wittebergae 1678.

4) Eodem 1719.

5) Pars II. Medit. VII.

Interpretum cohorte, qui vel universum Novi Foederis Codicem perpetuis suis Commentariis illustrarunt, vel selectis tantum atque obscurioribus quibusdam locis lucem affundere conati sunt, alii fusius sollertiusque eandem tractavere materiem, alii obiter tantum ac perfunctorie illam attigere. Quorum uberioribus messibus spicilegium nostrum quaecumque adjicere eo minus dubitamus, quo magis nobis persuasum est, argumentum illud huc usque minime adhuc adeo esse exhaustum, ut, qui denuo in examen illud vocare velit, adnumerandus sit istis, qui Iliadem post Homerum contexere vano atque temerario impetu moliuntur.

## II.

E Scriptoribus vero Sacris, qui effata Ethnicorum in usum sanctiorem convertere ausus est, unicus fuit Divus Paulus, Apostolorum ut facundissimus, ita et eruditissimus. Qui, quod doctrinam patriam ex ore Gamalielis, ad cujus pedes discipulus discendi cupidissimus consederat, sitibundus hauserit, pia grataque mente ipse fatetur. Sed nec Gentium Sapientiam neglexisse, nec Graecorum (in quorum medio adoleverat) litteras illibatas reliquisse juvenem, acerrimo ingenio praeditum, ad altiora concitato cursu tendentem, Civem insuper Romanum, e nobili Ciliciae

metropoli oriundum, nec indole, nec opportunitate, nec facultatibus, quae in addiscendis litteris illum adjuvarent, destitutum, evincit vis illa atque virtus dialectica, cuius, cum Stoicis sive Epicureis congressurus, egregia specimina edidit; evincunt tot locutiones gymnicae, tot aliae, ad ritus, opiniones ac consuetudines Gentium alludentes; evincunt tandem luculentissime effata ipsa Vatum Graecorum, quibus sententiam suam stabilire atque illustrare plus semel est dignatus.

### III.

Primum, quae a sanctissimo Gentium doctore laudata sunt, oraculorum exstat Actor. XVII. v. 28. Paulus Athenis commorans, incredibilem urbis celeberrimae, litterarum metropolis, *δαισιδαμονίαν* (6) mira-

---

6) Idolomaniam Atheniensium Scriptores Graeci accusant passim. Xenophon de rep. Athen. asseverat, Athenienses „*ἀγειν ἑορτάς διπλάσιους, ἢ τοὺς ἄλλους*. Pausanias in hac urbe plura pene idola, quam in reliqua Graecia commemorat. Lucianus in Prometh. habet sequentia: *Ἀπανταχοῦ δε βωμοὺς καὶ θυσίας, καὶ ναοὺς, καὶ πανηγυρεῖς. μετὰ δὲ Δίοις πᾶσαι μὲν ἀγοραὶ, πᾶσαι δὲ ἀνθρώπων ἀγοραὶ*. Cui assentit ille apud Petronium: Utique nostra regio tam praesentibus plena est Numinibus, ut facilius posses Deum, quam hominem invenire.

tus, juxtaque misertus, ex arae Epimenideae (7), quam et Pausanias celebrat, et Philostratus et Lucianus, inscriptione ansam arripuit, idolorum asseclis, vanissimae superstitioni mancipatis, Deum, cui ara illa dicata fuerat, annuntiare Ignotum; Unicum, Summum, Verum; mundi, omniumque, quae in eo sunt, conditorem; coeli terraeque Dominum; qui nec habitet in templis fabrefactis, nec manibus humanis colatur; qui nemine indigeat, cum ipse dispenset omnibus vitam, halitum, victum atque cultum; qui propagaverit ex uno sanguine omne genus mortalium; ut habitarent per universam superficiem terrae, praefinitis temporum opportunitatibus, praefixisque finibus, inter quos habitarent; ut quaererent Deum, si forte palpando illum invenirent, quamvis profecto non longe sit ab unoquoque nostrum. . . His aliisque praemissis, jam e propria adversariorum pharetra telum deprompturus ita pergit, v. 28.

*Ἐν αὐτῷ (Θεῷ) γὰρ ζῶμεν, καὶ κινουμέθα καὶ ἔσμεν* (8),

---

7) Ara haec, ignoto Deo inscripta, plurium eruditorum industriam exercuit, quorum praecipuos more suo diligenter affert Cel. Fabricius in Bibliographia Antiquaria p. 296.

8) Hammondus ad h. l. et haec verba veteres quosdam Jambos:

*Ζῶμεν δ' ἐν αὐτῷ θνητὰ, καὶ κινουμέθα  
καὶ ἔσμεν*

ὥς καὶ τινες τῶν καθ' ἡμᾶς ποιητῶν εἰρηκασί. ΤΟΥ ΓΑΡ ΚΑΙ  
 ΓΕΝΟΣ ΕΣΜΕΝ. i. e. In ipso enim (Deo) vivimus,  
 movemur et sumus; sicut etiam quidam eorum, qui  
 apud vos (fuerunt) Poetarum dixerunt: Ipsius enim  
 genus sumus.

#### IV.

Nobile hocce effatum, quod vel Vate ΘΕΥΠΝΕΥΣΤΩ  
 non indignum foret, cui vel quibus e Graecorum Poë-  
 tis debeatur, sollertissime investigarunt Eruditi. Apo-  
 stolus certe non unius, sed plurium, qui ita locuti  
 sint, mentionem facit. Nec certe de nihilo. Si enim  
 sensus magis, quam verborum rationem habeamus,  
 plures in Poëtarum antiquorum sacra inveniemus  
 cohorte, qui eandem vel similem sententiam expres-  
 serint. Ducat familiam et his nominibus Homerus  
 ipse, quo nec antiquiorem Graecia venerata est scrip-  
 torem, nec illustriorem, cujus proinde divinum, supraque  
 communem mortalium modulum longe emergens inge-  
 nium templis, statuis, nummis, ἀποθεώσει tandem ipsa

---

respicere credit. Sed cum in omnibus, quae ex Antiquitate  
 Graeca ad nos pervenerunt, monumentis, tales versiculi non  
 reperiuntur, nec fontes suos citaverit Hammondus, rem in  
 dubio esse relinquendam, recte monet Hammondi Commen-  
 tator, Clericus.

honoravit pia antiquitas (9). Quoties enim ab illo Iupiter dicitur *πατήρ ἀνδρῶν τε Θεῶν τε*, imo quoties vocatur *Zeus* vel *Ζην*, quae nomina ex communi sententia ei indita, quoniam putabatur *τοῦ ζην αἰτίας*, vitae auctor; toties affertur, quod cum dicto nostro quoad sensum conveniat. Nec Hesiodus heic praetereundus, vatum Graecorum post Homerum elegantissimus juxtaque gravissimus, siquidem et ille laudat *Ζηνα, Θεῶν πατερ ἡδε καὶ ἀνδρῶν*. Nec omittendus aureorum, quae Pythagorae nomine superbiunt, carminum conditor egregius, cui praeclara haecce commata debemus:

Ἀλλὰ σὺ θαρσεῖ. ἔπει θεῖον γένος ἐστὶ βροτοῖσιν,  
 οἷς ἱερά προφερούσα φύσις δεικνυσὶν ἕκαστα — — —  
 Ἦν δ' ἀπολειψάς σῶμα ἐς αἶθερ ἐλευθερός ἐλθης,  
 ἔσσεαι ἀθάνατος θεὸς ἀμβροτός οὐκ ἐτι θνητός.

Ex interpretatione Curterii:

At confide; hominum divina est stirpis origo,  
 Sacra quibus natura favens haec singula pandit — —  
 Sic ubi deposito vacuus te ceperit aether  
 Corpore, vivus ages semper, semperque beatus.

---

9) Specimen hujus Homerolatriae nobis exhibeant versus sequentes:

Εἰ θεὸς ἐσθὶν Ὅμηρος, ἐν ἀθανάτοισι σεβέσθω!  
 Ἐὶ θ' ἂν μὴ θεὸς ἐσὶ, νομιζέσθω θεὸς εἶναι.



Nec Euripides, qui ita:

Ω τέκνον, οὐκ ἐς' ἄλλοθεν το σὺ καρα,  
 ΑΛΛ' ἔξ ἐκείνου σπέρμα τῆς Θεῆας Φρενός  
 Πεφυκάς.

O Fili, non aliunde originem te trahere credas,  
 sed e Deo solo. Divinitus delibatus es, divinae  
 mentis surculus ac germen.

Nec tandem Orpheus, e cujus carminibus de-  
 perditis egregium huncce locum servavit Proclus:

Ζεὺς πρῶτος γενετὴ Ζεὺς ὑψίστος ἀρχικεραυνός,  
 Ζεὺς κεφαλὴ, Ζεὺς μεσση. Διὸς δὲκ πάντα τετυκται.  
 Ζεὺς ἀρσὴν γενετο, Ζεὺς ἀμβροτός ἐπλετο νυμφῇ.  
 Ζεὺς πυθμὴν γαίης τε καὶ ἔρανος ἀστεροέντος.  
 Ζεὺς πύσιον πάντων, Ζεὺς ἀκαμάτης πυρὸς ὄρμη.  
 Ζεὺς πόντος ρίζα, Ζεὺς ἥλιος ἠδὲ σελήνη.  
 Ζεὺς βασιλεὺς, Ζεὺς αὐτὸς ἀπάντων ἀρχιγενεθλός (10).

Lilius Gyraldus ita vertit latine:

Jupiter omnipotens est primus et ultimus idem  
 Jupiter est caput et medium. Jovis omnia munus.  
 Jupiter et mas est, et nescia foemina mortis.

---

10) Integrum hunc locum, ex Eusebio et Clemente Alexandrino  
 auctum, integratumque invenies in Editione Orphicorum,  
 a Cel. Gesnero adornata p. 355.

Spiritus est cunctis, validi vis Jupiter ignis,  
 Et pelagi radix, Sol, Luna est Jupiter ipse.  
 Omnipotens Rex est, rei omnis Jupiter ortus (11).

---

11) Carmini huic Orphico mirum in modum correspondet Melos Indicum: Bhogovotgita, cujus quaedam Episodia ex vetusto Samskred Germanice, et quidem metris, Archetypo accommodatis, expressit Clar. Fried. Schlegel. Attendite, sultis, commatibus, quae sequuntur:

„Ich bin des ganzen Weltalls Ursprung, so wie Ver-  
 nichtung auch.

Ausser mir giebt es ein andres höheres nirgends mehr  
 o Freund.

An mir hängt dieses All vereint, wie an der Schnur der  
 Perlen Zahl.

Ich bin der Saft im Flüssigen, bin der Sonn' und des  
 Mondes Licht,

In heil'gen Schriften die Andacht, Schall in der Luft, im  
 Marm der Geist,

Der reine Duft von der Erdkraft, bin der Glanz auch  
 des Strahlenquells

In allen Irrdschen das Leben, bin die Busse im Büssenden.

Alles Lebend'gen Saame bin ich, wisse, von Ewigkeit

Bin in den Weisen die Weisheit, ich der Glanz auch  
 der Strahlenden.

Dann die Stärke der Starken ich, die von Begier und  
 Stolz befreit;

In den Lebend'gen die Liebe bin ich. durchs Recht  
 beschränkt, o Fürst.

Welche Naturen nun wahrhaft, scheinbar nur oder  
 finster sind

Aus mir sind, wisse, auch diese, nicht ich in ihnen;  
 sie in mir."

## V.

Sed majori suo jure honorem, e Divi Pauli laudibus redundantem, sibi vindicant Graecorum Poëtarum Tales, apud quos vel plane eadem, quae in loco nostro, vel propius tamen ad nostra accedentia verba occurrunt. Quorum duo tantum hucusque reperiri potuerunt, alter Atheniensium quondam civis, Cleanthes; alter Cilix, itaque Apostoli nostri popularis, Aratus.

## VI.

Cleanthes floruit circa A. U. C. 490. ante C. N. 226. Olymp. CXXIX. Asso, quod oppidum fuit Troados, oriundus, admodum adhuc adolescens Athenas migravit; Zenonem, Stoeae conditorem, per annos audiit undeviginti; adeoque Philosophum gravissimum imbibit, ut illo e vivis exemto, dignus reputatus sit, qui tanti Doctoris Cathedram in porticu Atheniensi denuo occuparet. Tardiore fuisse fertur ingenio, sed mira assiduitate, animo constanti, atque studio prorsus pertinaci. In maxima igitur apud Athenienses auctoritate vixit, vixit, consenuit. Vitam finit, sibi ipsi, sectaeque suae placitis constans, voluntarius, annos natus undecentum. E scriptis viri, quae plurima atque laudatissima elaboraverat, nihil superest, praeter Hymnum ad Iovem unum, grandi-

loquum, altisonum, sublimem atque profundum adeo, ut parem universa Graecorum antiquitas nobis traderit nullum (12). In divino hocce carmine, Hemistichium occurrit, effato illi a Divo Paulo allegato correspondens eo usque, ut, perpaucis quibusdam litterulis mutatis, prorsus idem appareat et unum. Exordium Hymni, nunquam satis depraedicandi, tale:

Κυδισ' ἀθανάτων, πολυωνυμε, παγκρατες αἰεὶ,  
 Ζευ, Φυσεως Ἀρχηγε, νομου μετα παντα κυβερνων,  
 Χαιρε. Σε γαρ παντεσσι θεμισ θνητοισι προσαιδαν.  
 Εκ σου γαρ γενοσ εσμεν, ἰης μιμημα λαχοντες  
 Μουνοι, ὅσα ζωει τε καὶ ἐρπει θνητ' ἐπὶ γαιαν.  
 Τω Σε καθυμνησω, καὶ σον κρατος αἰεν αἰεισω.

Ex Metaphrasi Florelliana:

Coelicolum Princeps, cui nomina multa, sed Idem  
 Tu tamen Omnipotens, dia, Dux Maxime rerum,  
 Lege tenens Mundum; Te — Te mortalibus ipsis

---

12) Eximium hunc Hymnum, Latinitate, eademque castissima donatum, Specimini, quem Conspectum in Philosophia inscripsit, Inaugurali, non magis verborum, quam rerum pondere gravissimo, Coronidis loco adjicere voluit nuperrime Viri egregius; Athenai nostri Civis atque Docens dignissimus, Johannes Florello, Ph.D. Eundem, rhythmis Germanicis sollerter expressum, Editionis, quam adornat Poematum suorum Novae auctae atque castigatae Volumini Sexto, Lyricorum libro Quarto, inserendum curavit Dom. Praeses.

Affari fas est nobis, tua namque propago  
 Nos sumus, in terra soli Ratione valentes;  
 Ergo Tibi psallam, tua numina semper adorans.

Videtis, Amici, quam paucis, quam fere nullis  
 litterulis dictum Cleantheum "Εκ Σου γαρ γένος ἔσμεν,  
 ab illo Paulino discrepet: "Του γαρ καὶ γένος ἔσμεν.

## VII.

Sed verba ipsissima cum omnibus suis apicibus  
 atque elementis reperiuntur apud Aratum Solensem.  
 Floruit Aratus A. U. C. 482. ante C. N. 290. Olymp.  
 CXXVII. Patria illi fuere Soli, Ciliciae civitas, quae  
 postea a Magno Pompejo cognominata fuit; parentes  
 Athenodorus et Letophila. Audivit e Grammaticis  
 Menecratem Ephesium, o Philosophis Menedemum  
 Heracleotem, Perseumque Stoicum. Quem postero-  
 rem ab Antigono Macedonum Rege in Macedoniam  
 arcessitum eo comitatus est, et in notitiam gratiam-  
 que Regis pervenit, quam usque ad vitae exitum (ma-  
 turius enim illo fati concessit) constanter servavit.  
 Medicinae, Philosophiae atque Poëseos credebatur  
 peritissimus; Homericorum poëmatum, teste Laertio,  
 fuit studiosissimus; exstat nummus in quo conspicitur,  
 lyra psallens, Musarumque corona cinctus. Regis sibi  
 amicissimi svasu Poëma scripsit heroicum. *Φαινομενα*

quibus post versum 722. subjunguntur Διοσημεία, sive Prognostica. Mox, cum Astronomiae ignarus esset, Eudoxii Cnidii, qui ἐνοπτερον atque Φαινόμενα scripsit, orationem prosam, metris inclusit, atque illustravit, in quod poëma non pauci deinde sunt commentati (13).

### VIII.

Exstat vero oraculum, a Divo Paulo laudatum mox in exordio των Φαινόμενων, quod una cum Versione Grotiana hic exscribere, consilii nostri ratio monet:

Ἐκ Διὸς ἀρχώμεσθα· τον εἶδεποτ' ἄνδρες ἔωμεν  
 Ἀρρητον· μεσαι δὲ Διὸς πασαι μὲν ἀγυιαί,  
 Πασαὶ δ' ἀνθρώπων ἀγοραί μεσηδὲ θαλάσσης,  
 Καὶ λιμενεσ' παντὶ δὲ Διὸς κεχρημεθα πανθες,  
 Τε γὰρ καὶ γένος ἐσμεν ὃδ' ἥπιος ἀνθρώποισι  
 Δοξία σημαίνει, λαὸς δ' ἐπὶ ἔργον ἐγείρει.  
 Μιμνήσκων βιοτοιοῖ· λέγει δ' ὅτε βῶλος ἀρίστη  
 Βῆσι τε καὶ μακελῆσι· λέγει δ' ὅτε δεξιὸς ὥρα  
 Καὶ φυτὰ γυρῶσαι καὶ σπερματὰ πάντα βαλεσθαι.

---

13) Ediderunt Arati, quae supersunt Aldus 1499. H. Stephanus 1566. Commelinus 1589. Hugo Grotius 1600. Jo. Fell (nitide ac castigata) Oxon. 1672. Minus accurate Bandinus Florent. 1761. Confer. Andreae Schmidii Diss. de Arato. Jenae 1685.

Αὐτὸς γὰρ τὰ γε σημάτ' ἐν ἔρανω ἔστηριζεν,  
 Ἄστρα διακρίνας· ἔσκεψατο δ' εἰς ἑνίαυτον  
 Ἄστρας, οἳ κε μαλίστα τετυγμένα σημαίνουσιν  
 Ἄνδρασιν ὥρων, ὃφρ' ἐμπεδα πάντα Φυωνται.  
 Τῷ μὲν αἰεὶ πρῶτον· τε καὶ ὑστατον ἱλασκονται.  
 Χαιρε πατερ, μέγα θαῦμα, μεγάλῃ θρωπείῃσιν ὀνειρά

Ab Jove Musarum primordia: semper in ore  
 Plurimus ille hominum est, qui compita numine  
 magno

Consiliumque virum complet, pelagusque pro-  
 fundum,

Et pelagi portus: fruimur Jove et utimur  
 omnes.

Nos genus illius: nobis ille omine laeto  
 Dexterā praesignat, populumque laboribus urget,  
 Consulat ut vitae: quando sit terra ligoni  
 Aptior aut bubus monet, et quo tempore par sit  
 Aut serere, aut septas limphis adspergere plantas.  
 Ipse etiam in magno defixit sidera mundo  
 Ordine quaeque suo, utque in totum providus annum  
 Astra dedit, quae nos moneant, quae quaelibet hora  
 Aptae regi, certa nascentur ut omnia lege.  
 Idem ergo primus placatur et ultimus idem.  
 Magne pater, magnum mortalibus incrementum.

## IX.

Hemistichium Arateum, cum ne verbulo quidem differat ab eo, quod allegat Divus Paulus, facile apparet, cur post Clementem Alexandrinum, Hieronymum, Chrysostomum, Socratem aliosque veteres Ecclesiae Patres atque interpretes, etiam recentiores, Desid. Erasmus, Theod. Beza, Henr. Hammondus, Vatablus, Pricäus, Joh. Chr. Wolfius, plurimique alii Aratea verba Paulum respexisse arbitrati sint. Sed etiam versus Arati, qui nostrum antecedant, in mente habuisse Apostolum, illisque et cogitata et dicta sua accommodasse, ex nostra quidem sententia neminem fugiet, qui universam Paulinam orationem cum Aratí exordio paulo accuratius comparare velit.

## X.

Nihilo tamen secius non defuere, nec ex Interpretibus gravissimis, qui magis Cleanthis Hymnum D. Paulum respexisse credant; siquidem sapientiae Apostoli convenientius ipsis visum sit, talem sibi Poëtam suffragantem sistere, qui Atheniensibus eo minus potuerit esse ignotus, quo diutius in ipsorum urbe vixerat. In quam sententiae partem inclinant, ut alios taceam ex illis, qui nunc jam ἐν ἀγίοις, Eruditissimús atque Diligentissimus Joh. Alb. Fabricius;



ex iis vero, qui vitali adhuc aura fruuntur, Vir, quem Musa vetat mori, in Athenaeo nostro Gryphico Sapientiae Divinae nec non Linguarum Sanctiorum Doctor atque Professor longe meritissimus, Theophilus Cölestinus Piper. Sed quid prohibet, quo minus supponamus, Apostolum, qui disertis verbis non unius mentionem facit Poëtae, sed plurium, utrumque respexisse; alterum, Atheniensium quondam concivem; qui ipsis, alterum, conterraneum suum ac popularem, qui sibi maxime fuerit familiaris.

# XI.

Quod superest, et hic apparet, inde a remotissimis hominum recordationibus omnem sanio-rem Philosophiam, Indorum, Chaldaeorum, Aegyptiorum, Hebraeorum, Graecorum, populorum denique Septentrionalium, divinam hominis originem alta voce clamasse. Animam, docent consensu unanimi, coelitus delibatam, citius tardius in stelliferam suam patriam esse redituram. Ens Entium, monent, clarius alii, alii obscurius, ἀνεκλαλητον, ἀρρητον, σιωπη φωνουμενον (14), tamquam Universi Cor ac saliens

---

(14) Sunt verba Trismegisti in Poemand. Cap. I. Idem Termaximus Hermes de Deo pulcherrime ita: ἔστιν αὐτος καὶ τὰ ὄντα, καὶ τὰ μὴ ὄντα· τὰ μὲν γὰρ ὄντα ἐφανερώσει, τὰ δὲ μὴ ὄντα ἔχει ἐν ἑαυτῷ. Poemand. Cap. V.

Punctum, modo expandens semetipsam, modo contra-  
hens, alternis vicibus aeonum myriades ebullire  
nunc, nunc resorbere. Psyche interea generosa, coe-  
lesti suo sponso orbata, e sede sua primordiali delapsa,  
in terra exulans peregrina atque tenebrosa, trepidat  
atque tremit, alget, ardet, torret; quaerit, quem  
pectus suum deperit, vestigia ejus exosculatur, di-  
lectae ejus rosis persequitur Echo, gemit ac singul-  
tit, languet ac anhelat; donec amoris tandem, qui,  
teste Salomone, morte fortior, vi et impetu vincula  
dirumpit, carceris claustra effringit, expiataque culpa,  
omnibusque maculis exustis, exultabunda redit in am-  
plexus Amati sui, qui et illam dilexerat; priusquam  
ab eo jacta fuere fundamenta mundi.

Σὺ γάρ, Δαίμονι, θαρσεί. Δίος εἶσι γενέθλι.

Ἦν δ' ἀπολεῖψας σῶμα ἐς αἶθερ' ἐλευθερὸν ἔλθης,

ἔσσεαι ἀθάνατος Θεός, ἀμβροτός, οὐκ ἐτι Θνητός.